



Lescha davart l'indemnisaziun dallas autoritads communalas e cumissiums dalla vischnaunca Tujetsch

Questa lescha se basa sin la constituziun communal da dils 01-07-2023.

Art. 1 Intent

¹ Questa lescha normescha l'indemnisaziun dils commembers dad autoritads communalas e da cumissiums sco era d'ulteriurs funcziunaris dalla vischnaunca Tujetsch che han da principi il dretg sin ina indemniziun per lur lavur, nun che prescripziuns specialas stipuleschien enzatgei auter.

² L'indemnisaziun duei esser adequata all'incarica ed al temps impundiu. Ils titulars d'in mandat ein obligai da tener il temps e las spensas en ina rama comensurada all'impurtonza dalla funcziun digl uffeci.

Art. 2 Egalitad dallas schlatteinas

Funcziuns officialas ed indicaziuns professiunalas en questa lescha serefereschan ad omisduas schlatteinas.

Art. 3 Principi dall'indemnisaziun

L'indemnisaziun secumpona d'in daner da seduta sco era dad indemniziuns tenor uras e spensas. Supplementarmein vegnan certs uffecis indemnizai cun in fixum.

Art. 4 Indemnisaziun dalla suprastanza communal

¹ La lavur dalla suprastanza communal vegn calculada suandontamein:

- President communal: max. 80% dil temps da lavur usitau;
- Commember dalla suprastanza: en media tochen 20% dil temps da lavur usitau.

² Il temps d'engaschament dil president communal munta denter 40% e 80%. Quel sa variar e vegn fixaus onn per onn sin basa d'in program da lavur entras la suprastanza communal.

³ Il president communal vegn indemnizaus tenor la classa 23, scalem 14 dalla scala dallas pagas dil cantun Grischun resp. dalla vischnaunca da Tujetsch. Annualmeins vegn il fixum adattaus cun in alzament d'in scalem tenor la scala da pagas dalla vischnaunca da Tujetsch entochen al scalem maximal dalla classa 23.

⁴ Il fixum dil president communal cumpeglia l'indemnisaziun per tuttas sedutas ordinarias durant las uras da biro e las lavurs en connex cun tuts affars communalas cun excepziun dallas lavurs extraordinarias (enteifer ed ordeifer la vischnaunca).

⁵ Tier in pensum da lavur dil president communal da varga 60% van tuttas indemnaziuns per mandats ufficials en num dalla vischnaunca en cassa communal.

⁶ Il vicepresidente survegn per sia funcziun negina indemnaziun supplementara. El cass ch'in remplazzament urgent dil president communal cuozza pli ditg che 30 dis senza interrupziun, vegn il vicepresidente indemnissaus proporzionalmein tenor la medema classa da pagas sco il president communal. En in tal cass vegn il scalem dalla classa da pagas fixaus sin fundament dils onns d'uffeci dil vicepresidente.

⁷ Igl engaschament fundamental dils ulteriurs suprastonts vegn indemnissaus cun la summa annuala da frs. 14'000.-. Mintga perioda d'uffeci ch'in commember da suprastontza aschunta, vegn indemnissada cun in augment da 4%. El fixum dalla suprastontza communal ei l'indemnaziun per las suandontas lavurs cuntenida:

- lavurs da preparaziun per las sedutas dalla suprastontza communal: preparar tractandas, colaborar tier l'elavuraziun da messadis, sepreparar sin las sedutas;
- sedutas dalla suprastontza communal durant las uras da biro;
- participaziun e tenor basegns lavurs da preparaziun per las radunonzas da vischnaunca;
- lavurs en connex cun il rendaquen ed il preventiv: organisar cefras e redegger texts eav.;
- simplas lavurs d'organisaziun e d'informaziun: per exempel informar e surdar incaricas, far giu terminis eav.;
- visar quens, suttascriber brevs, contracts e lubientschas;
- tuttas sedutas che han liug en connex cun las lavurs menziunadas cheusura;
- telefons sut 10 minutas: sclariments, informaziuns eav.

⁸ Las suandontas lavurs ein buca cuntenidas el fixum dils commembers dalla suprastontza communal:

- telefons sur 10 minutas: contractivas, affars complexs, problematicas eav.;
- lavurs en connex cun votaziuns all'urna;
- representaziuns politicas e culturalas: prender part ad occurrenz;
- ulteriuras incaricas ch'ei buca d'attribuir al fixum e che vegnan buca classificadas sco lavurs extraordinarias (art. 6).

Quellas lavurs san ils suprastonts registrar sco lavurs supplementaras, las qualas vegnan indemnissadas cun frs. 35.- per ura.

⁹ Las sedutas dalla suprastontza communal, las qualas ein buca cuntenidas el fixum, vegnan indemnissadas tenor las determinaziuns da questa lescha (art. 8).

¹⁰ Ils commembers dalla suprastontza communal ein segirai tier la cassa da pensiun, aschigleiti che lur indemnaziun digl entir onn survarga la summa da frs. 18'000.-.

Art. 5 Indemnissaziun dallas ulteriuras cumissiuins e dil cussegl da scola

¹ Ils fixums pils presidis dils gremis indicai cheusut vegnan fixai suandontamein:

- | | |
|--|--------------|
| ▪ president dil cussegl da scola | frs. 4'000.- |
| ▪ president dalla cumissiuin da baghegiar | frs. 4'000.- |
| ▪ president dalla cumissiuin da gestiun | frs. 2'000.- |
| ▪ president dalla cumissiuin da verificaziun | frs. 200.- |

² El fixum pils presidis dil cussegl da scola, dalla cumissiuin da baghegiar, dalla cumissiuin da gestiun e dalla cumissiuin da verificaziun ein tuttas lavurs da preparaziun per las sedutas ordinarias cuntenidas (preparar sedutas, scriber tractandas, studi da documents). Tuttas ulteriuras lavurs e sedutas san ils presidents nudar supplementarmein.

³ Las lavurs dils organs indicai cheusura e dallas ulteriuras cumissiuns permanentas, vegnan indemnissadas cun frs. 35.- per ura e las sedutas tenor las determinaziuns da questa lescha (art. 8).

Art. 6 Lavurs extraordinarias

¹ Sco lavurs extraordinarias valan sulettamein lavurs che vegnan prestadas sin incarica speciala d'organs, da cumissiuns ed autoritads communalas sco era el rom da projects. Cheutier s'audan denter auter las suandontas lavurs: elavuraziun da documents, concepts ed analisis, lavurs da studi, lavurs da survigilonza eav..

² Per l'execuziun da lavurs extraordinarias basegna il singul titular d'in mandat mintgamai il consentiment a scret dil president communal, il qual meina ina survesta davart tuttas lavurs extraordinarias.

³ Las uras ch'ein d'impunder per lavurs extraordinarias, vegnan indemnissadas cun frs. 35.- per ura.

Art. 7 Spesas

¹ L'indemnisaziun dallas spesas da viadi e dunsena succeda tenor las suandontas tariffas:

a) per viadis cun tren:	
- president communal cun accumpignament, 1. classa	cuosts effectivs
- ulteriurs, 2. classa	cuosts effectivs
b) per viadis cun ulteriurs mieds da traffic publics	cuosts effectivs
c) per viadis cun auto (kilometers):	frs. 0.70 – frs. 1.00
d) per ina tschavera principala (gentar, tscheina)	frs. 30.00 – frs. 40.00
e) per in solver	frs. 15.00 – frs. 20.00
f) per star sur notg cun solver ils cuosts effectivs	frs. 120.00 – frs. 150.00

² La fixaziun dall'indemnisaziun dallas spesas cheusura (lit. c) – f)) succeda entras la suprastonza communal

Art. 8 Daner da seduta

Ils commembers dalla suprastonza communal, da cumissiuns e dil cussegl da scola sco era delegai obtegnan per las sedutas suandontas indemnissaziuns:

- tochen ina ura: frs. 40.-;
- sur ina ura e tochen duas uras: frs. 70.-;
- sur duas e tochen treis uras: frs. 90.-;
- miez di (sur treis tochen quater uras): frs. 120.-;
- sur quater uras entochen sis uras: frs. 180.-;
- entir di (sur sis uras): frs. 240.-;

Art. 9 Daner da protocol

¹ Il protocollist survegn per scadin protocol ch'el ha l'obligaziun da scriver ina indemnissaziun da frs. 120.-.

² L'indemnisaziun per protocol vala per emploiai communals mo aschilunsch ch'il protocol sto vegnir scretts ordeifer il temps da lavur regular (survetsch accessori).

Art. 10 Lavur cumina

L'indemnisaziun per la lavur cumina sco era quella per funcziunaris casuals vegn fixada dalla suprastanza communal.

Art. 11 Controlla e cass dispiteivels

¹ Ils rapports da lavur e da sedutas sco era ils quens da spensas ein d'inoltrar dils titulars d'in mandat mintga quartal all'administraziun communal e vegnan visai dil president dil gremi corrispudent.

² Ils commembers dalla suprastanza communal ein obligai da registrar las lavurs supplementaras e las lavurs extraordinarias (exacta specificaziun dallas lavurs, temps impundiu) sco era lur spensas el sistem d'informatica corrispudent.

³ En cass dispiteivels decida la suprastanza communal partenent l'indemnisaziun dallas lavurs supplementaras e lavurs extraordinarias.

Art. 12 Adattaziun dalla carischia

Las indemnisaziuns vegnan adattadas alla carischia, sch'igl index naziunal dils cuosts da consumers semida per 10 puncts. Termin ei mintgamai igl emprend da schaner (stan december 2020: 100 puncts). La tariffa vegn rundada sin francs entirs.

Art. 13 Approbaziun e vigur

¹ Questa lescha ei vegnida approvada entras la radunonza da vischnaunca ils..... Ella entra en vigur retroactiv sin igl emprend da schaner 2023.

² Cun l'entrada en vigur da questa lescha vegnan tuttas prescripziuns che stattan en cuntradicziun cun ella cassadas, specialmein il regulativ da salarisaziun per la vischnaunca Tujetsch dils 25 da schaner 1995.